



**Adami Tanneri E Societate Iesv, S. Theologiæ D. Et In
Academia Ingolstad. Professoris, Theologiæ Scholasticæ
Tomus ...**

Cum triplici Indice

De Fide, Spe, Charitate, Ivstitia, Religione, caeterisq[ue] virtutibus [et]
vitijs: ac varijs hominum statibus. Secvndae Secvundae S. Thomae
Aqvinatis Respondens

Tanner, Adam

Ingolstadii, 1627

V. An & qua ratione externa confeßio fidei necessaria sit ad salutem,
quæue in ea re obseruandæ sint regulæ.

[urn:nbn:de:hbz:466:1-72877](https://nbn-resolving.de/urn:nbn:de:hbz:466:1-72877)

ASSERTIO III. Notitia tamen euidens rei credendæ, & quælibet alia humana ratio, maior quam aliqui ad prudenter credendum sufficiat, si credendi voluntatem ita antecedat, vt sit causa propter quam aliquis credit, & sine qua non crederet, minuit aut omnino tollit meritum fidei, saltem ex parte praui affectus voluntatis nolentis propter alia motiva sufficientia credere. Hæc est mens S. Thomæ, hic cit. art. 10. & communis Doctorum, Probatur ex illo Christi Ioannis 20. v. 29.
Quia vidisti me Thoma, credidisti: beati qui non videant, & crediderunt. Vbi significatur, fidem Thomæ fuisse minoris meriti, quam aliorū, qui non viderunt & crediderunt. Qua de causa tales etiam in scriptura reprehenduntur tanquam tardis corde, & duri ad credendum, Lucæ 24. vers. 25. & Act. 7. v. 51, quibus etiam dicitur illud Ioannis 4. v. 48 *Nisi signa & prodigia videritis, non creditis.* Ratio est; quia non credere nisi maioribus, quam opus sit, rationibus persuasum, est mala animæ dispositio, quæ eti quidem per se non inicit ipsum actum credendi, minuit tamen ipsius meritum hoc ipso, quod à voluntate credendi minus perfecta procedit.

ASSERTIO IV. Quin etiam aliunde per accidens, tum hæc, quas diximus, tum alia etiam rationes quælibet minuere possunt meritum fidei si quis videlicet raro, vel nunquam verum fidei, diuinæ actum eliciat, nitentem scilicet ipsa revelatione diuinæ; sed assensum duntaxat naturalē, seu actum fidei humanæ, nitentem solum aut euidentia naturali, seu ipsius veritatis credendæ, seu credibilitatis, adeoque motiuis ac propositione humana; aut si quis ex duritia quadam cordis, etiam acquisito iam semel habitu fidei, non eliciat actum fidei nisi moueat noua semper ac speciali consideratiōe ac velut examine humorum motiiorum, Priorem partem recte tradit Arragonius hic q. 2. a. 10. vbi ita explicat S. Thomam ibidem. Ratio per se patet: quia assensus mere humanus & naturalis, aut meritorius non est, aut saltem non tam meritorius, quam actus supernaturalis fidei, qui hoc casu ex hypothesi intermittitur; vt proinde non tam minuere eius meritum, quam tolli dicendum sit.

Posteriorem partem tradit Gregorius de Valentia q. 2. punc. 7. Ratio est; quia etiam hoc casu minus resoluta & perfecta est credendi voluntas. Neque vero ad actum fidei eliciendum, necesse est particulatum fidei motiuam ad mentem reuocare, satis est generatim cogitare & persuasum esse, id quod credendum est, gravissimis argumentis prudenter & euidéter tanquam firma fidei propter diuinam revelationem credendum credibile esse. Atq; in hunc casum accipiendum est, quod ait S. Thomas 3. part. q. 36. a. 1. *Natuitatem Christi non debuisse omnibus fidelibus manifestari, scilicet pastoriis est manifestata, quia alias diminueretur meritum fidei.*

Potest hic etiam tertio quæri, vtrum omnis actus internus fidei diuinæ necessario sit bonus; an vero aliquando ex mala intentione procedere atque ita depravari possit. Quod quidem affirman Medina 1. 2. quæstion. 56. artic. 6. & alij

quidam recentiores; saltem loquendo de homine, qui iam habitu fidelis est; in quo non putant isti ad fidei actum prærequiri actum voluntatis supernaturalem, speciali quodam auxilio Dei eliciti. Sed suppositis ijs, quæ docuimus supra quæst. præced. dub. 1. & in mat. de gratia tom. 2. disp. 6. quæst. 3. dub. 1. opposita sententia est ve-
 rior, ac tenenda: quam fuse tacentur Vasquez 1. 2. disp. 53. cap. 4. & Bannes hic q. 4. art. 5. dub. 2. Fundamentum præcipuum sumitur ex Concilio Arausitanio Canone 5. vbi vniuersim definitur, ipsum etiam effectum credulitatis per gratia donum nobis inesse. Accedit, quod fides non est virtus mere intellectualis, sed aliquo modo etiam moralis, utpote pendens ex pia motione voluntatis; adeoque virtus simpliciter, non tantum secundum quid, ut dictum quæst. præced. dub. 2.

Dices. In eo ipso casu antea proposito, quo aliquis non crederet, nisi oblati maioribus motiuis, quamad credendum necessaria sint, actus credendi procedit ex mala & peruersa voluntate non credendi, nisi accedebtibus maioribus motiuis: Ergo est malus. Respondeo negando antecedens; quia in eo homine supponenda est duplex voluntas; una fugæ, nolentis scilicet credere propter sufficientia motiuæ; & hæc quidem voluntas mala est, sed ex ea assensus fidei non procedit, vt patet; imo verius est, eum actu simul consistere non posse cum actu fidei; eti præcedere potuerit, vt in simili diceretur inferius quæst. 8. dub. 1. quæsto 2. Altera est prosecutio, seu voluntas credendi propter maiora motiuæ, & hæc voluntas per se mala non est, sed imperfecta; ob dispositionem quandam habitualem operantis, non quidem iam nolentis credere, sed non credituri, nisi propter maiora motiuia; ex qua proinde etiam imperfectior fidei assensus proce-
 dit, ut ante dictum.

D V B I V M V.

An, & qua ratione externa confessio fidei necessaria sit ad salutem; quæ in eare obseruanda sint regula.

S. Thomas 2. 2. q. 3. 22. 2.

AN, & qua ratione confessio externa fidei sit, actus fidei diximus supra dub. 1. Quod vero ad eius necessitatem seu obligationem attinet, supponendum est ex communi & certa omnium Theologorum sententia, cum S. Thoma hic q. 3. a. 2. extare plane aliquod præceptū diuinū, ad fidei confessionē pertinens, tum negatiū scilicet, de nunquā neganda fide vera; tum affirmatiū, de confitenda aliquando vera fide; quorū illud semper ac pro semper obliget, nempe vbi res serio agi videatur, ut excludantur Comœdia & ioci: hoc vero solū pro certo tempore, vt in simili dictum dub. præced. Idque est de fide contra Elcesaitas a-
 pud Eusebium l. 6. hist. c. 28. Epiphanius lib. 1. hæres. 1.

hæres. 19. item contra Priscillianistas apud Augustinum de hæresibus c. 70. & contra Libertinos huius temporis, qui vtrumque eiusmodi præceptum negant; contra apertam scripturam, in qua vtrumque præceptum simul aut scorsum expresse referunt.

Pater hoc Matthæi 10. vers. 32. *Omnis ergo qui confitebitur me coram hominibus, confitebor & ego eum coram Patre meo, qui in cælis est. Qui autem negauerit me coram hominibus, negabo & ego eum coram Patre meo, qui in cælis est.* Lucæ 9. v. 26. *Qui me crucuerit & meos sermones, hunc filius hominis erubescet, cum veneris in Majestate sua.* Item Rom. 10. v. 10. *Cordis creditur ad insitiam; ore autem confessio fit ad salutem.* 2. Timoth. 2. v. 12. *Si negauerimus, & ille negabit nos.* Similia habentur Marci 8. v. 38. & Lucæ 12. v. 8. Denique 2. Ioannis v. 7. *Seductores vocantur, qui non confitentur IESVM CHRISTVM venisse in carne.* Huc spectant lachrymæ Petri, quibus peccatum abnegationis Christi amare defuit, Luca 22. v. 62. Idem habetur Canone 61. Apostolorum, & in Concilio Nicæano Can. 11. & alibi passim, vt videre est causa 11. q. 3. Ratio patebit inferius.

Oritur autem hæc obligatio profitendi fidem generatim, ex eius virtutis præcepto, ad cuius finem ipsa professio potissimum requiritur, puta vel ex virtute Religionis, cū directe propter honorem Dei tuendum necessaria est; vel ex iustitia seu charitate erga proximum, si propter eius commodum ex officio seu charitate procurandū necessaria sit. Paulo diuera est ratio abnegationis fidei; quæ licet etiam alijs virtutibus aduersari possit, per se tamē & directe aduersatur tum fidei, vetanti ne Dei authoritas infallibilis in dicendo laedatur; tum si quando falso aliquo cultu seu peculiari de honestatione per fidei abnegationem Deus inhonoratur, Religioni; cui nimis opponitur idolatria, & quævis delatio falsi cultus. His positis, vt cognoscatur, quænam regulæ seruanda sint circa præceptum confessionis fidei, sequentes assertiones statuimus.

ASSERTIO I. Nunquam licet exterius verbis aperius profiteri falsam fidem, aut negare veram fidem, dicendo res fidei esse falsas, aut improbabiles; quamvis interim mente fides retineatur. Est certa & extra controversiam apud Sanctum Thomam hic q. 3. a. 2. omnesque Catholicos: quia vtrumque aperte est contra præceptum negotium fidei, quod semper & pro semper obligat, ut dictum; adeo ut intrinsece malum, aut falsam fidem aperte profiteri aut negare veram. Ratio est: quia qui abnegat veram fidem, aut falsam profitetur, hoc ipso fatetur, non esse vera, quæ fides docet; quia ratione necesse est grandem iniuriam fidei, Deoque ipsi, qui fidem reuelavit interrogari; quamvis in suis ipse dicitis verax non sit sed mendax.

Alia ratio est: cum quis in alio peccatorum genere seu materia peccat suum; peccatum seu vere seu falso profitetur. Qui enim furatur v. g. aut fornicatur, aut huic se vitio obstrictum fatetur, non hoc ipso profitetur, secundum rectam rationem bonum, adeoque honestum esse, quod

agit; quando constat, homines in eiusmodi actionibus affectu potius, quam iudicio duci, adeoque stante etiam integro iudicio de malitia & turpitudine rei, quæ agitur, nihilominus peccare iuxta illud, *video meliora proboque: deteriora sequor.* At qui veram fidem abnegat, aut falsam profitetur, non potest non hoc ipso profiteri, eam fidem, quæ abnegat esse falsam, ac proinde etiam falsam esse revelationem Dei, qua eadem fides intrinsece nititur.

Quare etiam inter omnes certum est mortali-
ter peccare, qui serio dicit, se esse Religionem Ma-
chometanum, sive Turcam, aut Iudeum, vel Lu-
theranum seu Calvinum, aut qui negat, se esse
Catholicum, vel Christianum: quia etiam talis hoc
ipso dicit fidem Christi veram non esse: nisi forte
interrogans nomen eiusmodi non accipiat pro
nostrâ Religionis symbolo, sed pro alia quadam
cōditione nationis, aut gentis nihil ad Religionē
spectante. Vt si quis ex infidelibus bellū cū Christianis, non præcise Christianæ Religionis intui-
tu gorens, roget fidelem, sicut Christianus. Hic
quia reuera infidelis solū cupit scire, an sit de ho-
stili exercitu, non peccabit fidelis contra profes-
sionem fidei, negando se esse Christianum, voca-
bulum scilicet hoc nō significatu proprio sed iux-
ta mentē interrogantis usurpādo, ut recte nota-
runt Bañes & Arragonius hic q. 3. a. 2. & Azor
tom. 1. l. 8. c. 27. q. 1. Qua ratione etiā dicere, se
esse Turcam vel Iudeum natione vel gente, fidei
professioni nihil aduersatur.

ASSERTIO II. Nullo etiam casu licet simularē
falsam Religionē, usurpando facta eiusmodi, quæ
quasi natura sua, vel communī omnium gentium
vsi, Idolatriæ seu alterius falsi cultus rationem
habent; qualia sunt v.g. Iurare per falsum Deum,
adolere incensum, aut genu flectere idolo. Ita
communiter docent Scholastici Alensis 3. par. q.
183. memb. 2. Antoninus 2. part. Theolog. tit.
12. c. 6. Caetanus, Bañes, Arragonius hic q. 3. a.
2. Angelus, Armilla, Syluester, & alij, verbo fides,
Nauarrus Manual. c. 11. n. 25. Gregorius de Va-
lentia hic q. 3. punct. 2. Vasquez 1. 2. disp. 182.
c. 4. Ratio est. Quia talis non minus abnegat ve-
ram fidem, & falsam profitetur, quam qui verbis
id facit; cum illa signa fere nō minus clare &
distingue id significant, quam verba. Accedit com-
munis sensus Ecclesiæ, quæ semper thus adolēti-
bus coram Idolo, tanquam graui debito obnoxijis,
grauem poenam indixit. Addit Vasquez loc. cit. ex
coīuni, simulationē quæ factis accidit, in quavis
materia non minus esse malum seu mendacium,
quam quod verbis accidit. Simulationem autem
c. 8. n. 71. notat, tunc tantum esse, quando intē-
tione interiori volumus exterius significare id,
quod reuera non est, vel contra.

Ceterum contra hanc assertionem Adrianus
in 4. q. 2. de baptismo a. 2. ad 1. docet; si id non
fiat animo infideli & irreligioso, nec sequatur
scandalum, neque graue damnum, aut infamia
fidei, non esse intrinsece malum, simulate exerce-
re eiusmodi actiones falsæ religionis significati-
vas. I. Quia etiam Apostoli ad tempus obserua-
runt ceremonias legis abolitæ. II. Naaman con-

cessu Elisei Idolo flectebat genu, vt colligitur ex 4. Regum 5. III. Iehu simulauit cultum Baal 4. Reg. 10. Quod factum laudat Hieronymus; sicut etiam in Apostolis simulationem in materia Religionis, quoad ceremonias legis, quam esse iam mortiferam existimabat, approbat in c. 2. ad Gal.

101 Verum licet hæc sententia discrepet ab errore hæreticorum superius relato; quandoquidem eiusmodi simulationem tantum permittit in factis & extra casum, quo alioqui præceptum affirmatum de confitenda fide obliget, atque idcirco etiam Gregorius de Valantia loc. cit. afferat, eam sententiam videri posse non improbabilem, et si contraria videatur tunc & longe probabilior; mihi tamen omnino videtur falsa & improbabili: tum ob fundamentum superius positum; tum quia est contra communem Doctorum, & SS. Patrum sententiam.

102 Ad primum respondeatur, Apostolos sine illa simulatione falsæ Religionis, liceat ad tempus obseruasse ceremonias legis veteris, vt potest necdū mortiferas, vt cum S. Augustino, & coīuni Theologorum, contra S. Hieronymum dictum in matter. de legibus tomo 2. disp. 5. q. 3. dub. 5.

103 Ad secundum respondeatur Naaman non ipsi Idolo, sed Regi & domino suo Idolum adoranti, pro consueto eius temporis more eundem sustentando, genu flexisse, simulque Rege idolum collente, in eodem loco Deum cœli, cuius cultum iam alias, etiam templi adificandi studio, palam protestati solitus erat, adorasse & coluisse, iuxta Lyranum & Caietanum ibidem: idq; in casu necessitatis, similiter facere posse seruum aut ancillam infidelis domini, seculo scandalo & contemptu Religionis, tradit Azor tom. 1. l. 8. c. 27. q. 7.

104 Ad tertium; Augustinus lib. cont. mendac. c. 2. simulationem illam Iehu vocat *impium mendacium*. Et S. Thomas q. 111. a. 1. ad 2. ait, *non oportere excusare illum, quia fuit pessimus Rex, & scriptura laudat zelum eius, non omnia facta, vt satis ibidem patet v. 26. Illud vero v. 30. Quia studiosè egisti, quod rectum erat, & placebat in oculis meis, & omnia quæ erant in corde meo fecisti contra dominum Achab &c. ad certum duntaxat genus factorum Iehu pertinet. Hieronymus vero etiā non unquam simulationem in materia Religionis liberius proberet, vt dictum de Legibus loc. cit. nunquam tamē adeo apertā, ac quia ex omnibus circumstantijs serio fiat, falsa Religionis simulationē probasse videtur.*

Nam ipsius etiam Iehu non erat adeo serio in speciem simulatio, quin & Gentilibus suspecta esse posset, & Iudeis præcipuis constaret fictam tantum simulationem esse; sicut etiam paulo post evidenter id omnibus erat demonstratus. Quia de causa etiam Vasquez n. 70. ait, Iehu non tam factis simulasse falsam Religionem, quam verbis formaliter mentitum esse; à quo tamen velut officioso mendacio per ignorantiam, sicut alijs quidam antiqui Patres, forte fuerit excusatus; cum etiam Chrysostomus & Cassianus (contra S. Augustini, & communem sententiam, definitam ab Innocentio III. capit. super eo, de usuris) existimarent, mendacium officiosum non semper esse peccatum. Similiter cū Hieronymus in Apo-

stolis simulationem probat, loquitur de cæremonijs Iudaicis per se non malis, nec falsa Religionis significatiuiis.

Ex quibus colligitur, esse per se ac intrinsece malum, adeoque peccatum mortale, hæreticorum quam vocant coenam (Corporis Christi experte) etiam simulate duntaxat, ac retenta interim fide vera, accipere; nisi quis forte, vt de quodam militi narratur, ipso actu & facto manifestum faciat illam à seno vt sacram ceremoniam, sed contemptum & ludibrione tanquam profanum conuiuiū suscipi; quod ipsum tamen absque temeritate comuniter non fieret. Non est autem peccatum, in necessitate baptismum ab hæretico, aut etiam in articulo mortis à Sacerdote hæretico, si non adfit alius, absolutionem, seculo scandalo, accipere; cum in his casibus non falsa, sed potius vera fiducia fiat professio, vt pluribus suo loco dicetur.

ASSERTIO III. Nunquam etiā licet eo genere actionis seu habitus vii, quod eo quidem loco & tempore, quo usurpat, iuxta communem hominum conceptionem, non habet alium usum, quam vt significet cultum falsæ Religionis; etiamsi forte natura sua, aut communi Gentium usum non significet. Ita habet communis sententia apud citatos.

Vbi notandum, quadruplex esse gen⁹ actions, seu vestium, aliarumue rerum, quæ non quidem natura sua, sed hominum usum quodam & institutione, appropriata sunt fidelibus aut infidelibus. Primum genus est earum rerum, quæ solum materialiter eorum propriæ sunt, hoc est, non quatenus sunt huius vel illius fidei, sed quatenus sunt huius nationis, vel provinciæ, vel etiam dignitatis politica, qualis est v. g. habitus Mandarinorum seu Doctorum in China. Secundum, quæ introducte quidem sunt, ad dignoscendos fideles ab infidelibus, verum non diceb^te intuitu Religionis aut cultus Religiosi, sed propter causas politicas & externam pacem Reipublicæ, vt sunt flavi pilei Iudeorum Romæ; quos quidem illi non gestant, vt hoc modo suam Religionem profitentur, sed vt in re alioqui indifferente Magistratu politico satisfaciant, in ordine ad commune bonum Reipublicæ. Tertium, quæ per se & direc^te intuitu cultus Religiosi gestantur aut sunt; ita tamen vt res illa habeant præterea aliquum usum primarium, quam significationem Religiosi cultus; vt sunt inter nos vestes communes Sacerdotum, & Religiosorum, abstinentia carnium, & similia. Quartum; quæ vt hic & nunc usurpantur, nullum alium usum habent, præter significationem seu protestationem cultus Religiosi, vt sunt apud nos vestes sacrae, corona capitis, &c. apud infideles, quædam vestes habentes signa superstitionis pura imaginem Idoli, sive Mahometis depictam, eo loco, tempore, & modo, quo nonnisi Idololatriæ aut Mahometani ea vestes uti soleant, idque ad suam fidem profitendam, quale etiam forte, vt notauit Arragonius hic q. 3. a. 2. apud Turcas est signum diuidi lunæ in pileo.

In his ergo reb⁹, de quib⁹ loquitur præfes assertio, quia significatio cultus falsi nunquam in ipso

vsi potest ab eis separari, nunquam vlo fine aut casu vt lictum est; nisi forte manifeste necessitatis causa, ad corporis nuditatem tegendam seu pellendum frigus. &c. esset enim haec alias formalis quædam professio falsæ religionis; quæ de causa ad fidem conuerteret, etiam cum periculo vitæ ab hostibus fidei imminentem, eiusmodi signa deponere, ijsque abstinerre tenetur. Nec vt existimo contrarium sentiunt Sa verbo fides, & Azortom. r. lib. 8. c. 27. q. 4. dum vniuersim docent, non esse per se malum, habitu aut signo infideliū assumpto, suam fidem occultare: videtur enim exponendi iuxta sensum assertione sequentis, extra casum propositum, cum ipsem et Azor quæstione 6. etiam in vexillis eiusmodi signa superstitionis excludantur, vt inferius dicetur.

ASSERTIO IV. Rebus autem seu vestibus pri-
mi generis vii bono fine, ad se occultandum, nō
est per se malum, quod proinde secluso scandalo & fidei contumelia, recte fieri potest. Ita Syllester, Caetanus, & citati omnes, quibus accedit Suarez 3. par. tom. 4. disp. 33. sect 6. Ratio est; Quia ista non sunt signa infidelitatis, sed nationis, aut dignitatis politicæ, sicut idioma lingue.

ASSERTIO V. Idem probabilius videtur de rebus secundi & tertij generis, quæ videlicet præter significacionem falsæ religionis, habent quendam alium commodum & honestum usum. Significat hoc Bannes hie quæstione 3. a. 4. & Sa verbo fides: et si contrarium indicent Caetanus, Syllester, Nauarrus, Gregorius de Valentia locis cit. & Toleatus in summa libro 4. cap. 2. qui omnes docent, mortale esse Romæ gestare pileum Iudæorum, aut in Turcia ligare caput tobalia alba.

Ratio assertionis est. Tum quia ista signa proprie ac formaliter non sunt protestatiua aut significatiua falsæ religionis, aut certe non hunc solum, sed etiam alium usum primarium habent: quo sit, vt non quilibet, qui illis utitur, prudenter possit aut debeat existimari eiusmodi signis vti, ad falsam religionem significandam. Tum quia vt recte notauit Vasquez loc. cit. numero 29. & 49. discrimen est inter res & verba. Hæc enim habent ex ipsa institutione humana, determinatam significacionem, seu propriam, seu figuratam, à qua sine falsitate (Vasquez addit sine mendacio etiam si contra mentem interim non loquaris) distorqueri non possunt: at vero res, cum præter significacionem ab humana institutione dependentem, habeant varios usus naturales, adeoque naturaliter etiam alia multa significare possint, saltem in casu nostro, de quo loquimur, non est eorum significatio humanae impositioni adeo adstricta, quin cum res exigit, etiam ad aliud quidpiam significandum adhiberi possint, quam quod ex humana institutione significantur.

Sicut etiam verbis ambiguis ex causa vti (secluso casu, quo fides aperte profienda sit,) quibus nempe æque vera & falsa fides significari possit, non est intrinsecè malum: vt si quis

dieat, Ego sum Euangelicus, seu Euangelij cultor. Et confirmatur assertio; quia S. Sebastianus usus est chlamyde militari, qua tamen eo quidem tempore, ex lege Imperatoris distinguebantur gentiles à fidelibus. Nec in contrarium est vla firma ratio.

ASSERTIO VI. Præceptum affirmatiuum de fide confitenda, etiam cum periculo vitæ obligat: at non pro omni tempore, sed generatim in duabus tantum casibus; quando scilicet alias auctoritate debitus, aut debita proximo utilitas subtraheretur. Ita S. Thomas hic q. 3. a. 2. vbi ait: Confiteri fidem non semper, nec in quolibet loco est de necessitate salutis, sed in aliquo loco & tempore, quando scilicet per omissionem huius confessionis subtraheretur honor debitus Deo, aut etiam utilitas proximo impendenda: puta si aliquis interrogatus de fidetaceret, & ex hoc crederetur vel quod non haberet fidem, vel quod fides non esset vera, vel alij per eius taciturnitatem auertentur à fide: in huiusmodi enim casibus confessio fidei est de necessitate salutis. Eadem assertione tradunt communiter cæteri Scholastici locis cit.

Ratio est; quia cum actus iste externus sit, & per se non sit medium aliquod salutis respectu operantis, nec omnino etiam ad bonum ipsum ita pertineat, vt eius quidem præcise causa possit. Tanta cum obligatione esse in præcepto, sequitur, ob alterutrum tantum finem, ex duobus dictis, præcepti necessitate, ac subinde etiam vbi res grauius est, cum periculo vitæ exercendum. Censetur autem honor Deo debitus subtrahi, quando vel ignominia aliqua Deus afficitur: vt fides idcirco putetur non esse vera, inquit S. Thomas; vel existimus aliquis Dei honor ex fidei professione consequiturus negligitur. Proximis autem utilitas debita subtrahitur, si illi propterea auertantur à fide, siue quia pervertuntur fideles, siue quia non convertuntur infideles, qui & facta fidei professions facile converterentur, & aliaratione oportune iuvari & conuerti non possunt, iuxta charitatis leges infra suo loco explicandas; quæ hac in re semper ob oculos versari debent, vt ex Sancto Thomare clarauit Valentia cit. quæstione 3. punct. 2. In particulari vero res ex circumstantiis prudenter diiudicanda est.

Quamvis autem, vt ex communii dictum, ob solam ipsius operantis utilitatem seu commodum, præceptum confessionis fidei cum vita periculo non obliget, non tamen negandum est, ob ipsius etiæ præcise operantis causam seu commodum, nonnunquam fidei confessionem ex præcepto necessariâ esse posse. Vt si quis videlicet alias ob omniā fidei professionē, aut graue infamiam contracturus, aut etiæ corporis seu vita periculū aditurus esset; hoc enim casu, ex præcepto charitatis erga seipsū quemq; ad fidem proficiendam teneri indubitatū est. Quod ipsum etiam significasse videri potest S. Thomas cit. a. 2. vbi inter alios casus quibus præceptū confessionis fidei obligat, etiam hunc refert, si quis interrogatus de fidetaceret: & ex hoc crederetur, quod non haberet fidem: vbi nimirum subintelligendum est, cum tamen talis existimatio aut ipsi operati, vel alij pernitosi, aut honori diuino præiudicativa esset. Alias enim vni-

uerum eam de nobis existimationem non semper necessario auertendam esse ex dictis constat, & paulo post magis patebit.

ASSERTIO VII. Extra hos casus, licitum est fidem dissimulare, abstinentia duntaxat ab ijs verbis vel factis, quæ veram fidem significant, aut etiam usurpando quædam signa Religionis indifferenter, iuxta quartam & quintam assertionem: non autem usurpando verba vel facta, quæ iuxtamores hominum, nullum alium usum habent, quam significationem falsa Religionis, iuxta primam, secundam, & tertiam assertionem. Ita citati: & colligitur ex dictis.

Vt autem hæc doctrina sit in praxi utilior, resoluemus breuiter ex dictis aliquos casus particulares, qui circa fidei professionem dubij esse, ac sepius occurre possunt. Etenim colligitur primo, licitum esse, per se loquendo, exploratoriis seu militibus Christianis, in bello assumere habitum & sermonem Turcum; vt & vexilla signis consuetis Turcarum insignita in classe vel exercitu erigere; vt nempe hostibus hoc strategemate deceptis damnum inferatur, vt recte notarunt Bannes hic q. 3. a. 2. & Azor tom. 1. lib. 8. cap. 27. q. 6.

117 Qui tamen addit, id peccatum esse, si infidelium signum sit superstitionis symbolum; puta, inquit, *Si esset signum Martis, Palladis, aut Iouis, quos pro Diis fulta & insana Gentes coluerunt.* Cæterū Bannes hanc limitationem non addit; quæ si vera esset, vix unquam liceret infidelium vexillis infidularum causa vti; cum semper habeant Solis, aut Lunæ aut Mahometus, aut alterius cuiuspiam rei, quam infideles hostes superstitione colunt, nomen aut figuram. Quocirca, cum eiusmodi vexilla, communī quasi omnium Gentium more, non semper usurpentur in honorem eius rei, cuius nomen aut figuram impressam habent; esto id non unquam accidat; sed potius aliud usum primarium habeant, & vero hunc ipsum etiam communī Gentium more receptum, vt hostes decepti capiantur; probabile existimo per se ac uniuersim non esse malum, sine discrimine, quævis eiusmodi hostium vexilla usurpare, iuxtam quartam & quintam assertionem. Alter si res habet cum vestibus illis, de quibus assertio tercia loquitur; quæque vt supponitur, Idoli signo nunquam solent insigniri, nisi ab ijs, quibus illud in veneratione est.

118 Colligitur secundo, comedere carnes inter hereticos, die prohibito, ad tegendam fidem, & mortis periculum evitandum, per se ac intrinsece non esse malum, iuxta quintam assertionem; ac proinde licite fieri posse, si alias modus evitandi periculum non suppetat, & absit scandalum ac contemptus fidei. &c. Ita Azor loc. cit. q. 3. & apertius lib. 7. c. 29. q. 7. Per accidens tamen id erit illicitum, si nimis præceptum affirmatum de confiteenda fide vrgeat. Quod quidem accidit, si cui, iam ante pro fideli habito, ipso facto in odium & contemptum Religionis vis intentetur, ad hoc, vt in religionis contemptum, carnes comedat. Tunc enim iuxta exemplum Eleazari & Machabæorum, moriendum est po-

tius, quæ Ecclesiæ leges violandæ, aut earum etiæ violatio quoquo modo simulanda, vt ex communī tradunt Azor ibidem & Nicolaus Serarius 2. Machab. cap. 7. post Caïetanum, Sotum, Nauarrum Couarruiam, & alios.

Similis casus est, si cui ex instituto ac manifestæ probationis causa carnes ab hereticis apponantur, vt notauit Azor ibidem, saltem regulariter loquendo, iuxta dicendum de interrogacione inferioris: aut si Religiosus vel alius vir grauis, pro fideli agnitus, carnes inter hereticos comedat, non assignata vila causa probabili, v. g. infirmitatis, vel necessitatis, ob quæ id sibi licitum sit: ac generatim si contemptus aliquis in Deum, aut apud proximum graue scandalum timeatur, ex hoc quod vir grauis, forte aliquando agnoscendus, carnes die vetito extimore comedet, iuxta dicta asserta.

119 Colligitur tertio, an, & qua ratione infideli interroganti de fide respondendum sit. Etenim Caïetanus quidem hic q. 3. a. 2. putat, semper hoc casu obligare præceptum de confitenda fide. Quod etiam significare videtur S. Thomas ibidem, cum, vt dictum, inter alios casus, quibus confessio fidei obligat, ponit etiam hunc, *si quis aliqui non putet habere fidem.* Sed rectius Bannes cit. a. 2. Gregorius de Valentia punet. 2. & alij regulariter tantum id verum existimat; quando videlicet alioqui dissimulatio fidei cederet in Dei iniuria, aut nocimentū proximorum, addo ego, vel etiam personæ propriæ, iuxta dicta assert. 6.

Illud vero communiter rursum accidet, si quis palam & à publica potestate (præsertim à Tyranno fidei persecutore, vt bene Arragonius eodem a. 2.) interrogetur de fide; & sæpe etiam alias, si interrogans & interrogatus sit persona grauis, à cuius constantia & auctoritate multi pendeant. Secus si quis à furibundo aut ebriositate, ad cædem parato, subito inuasus interrogetur, an sit Catholicus, Papista. &c. Tunc enim, ac in alijs similibus casibus, quia nullus ad Deum honor, aut proximum utilitas ex fidei confessione magnopere redundabit, satius erit aut tacere aut interrogantem eludere. &c. esto deceptus ille existimet, ne non esse Catholicum, nec habere veram fidem. Nam vt recte etiam notauit Valentia, casus ille, quem S. Thomas, vt distinctum posuisse videtur, non est vniuersaliter & distincte accipiens, sed regulariter, & vt cum aliquo ex cæteris assert. 6. explicatis connexus.

120 Multo minus contra fidei professionem, perse loquendo, peccat Sacerdos, aut Religiosus, qui interrogatus, an sit Sacerdos aut Religiosus, puta Monachus aut Jesuita, id neget; quia cum religiosi ordinis, aut Sacerdotij suscepimus iuxta Religionis nostræ præscriptum, nos sit in præcepto singulis, idcirco non statim tali negatione aut fides abnegatur, aut status Religiosus sive Sacerdotium cōtemnitur; sicut alioqui negatione fidei fides tanquam falsa contemnitur. Quare licet etiam in casu necessitatis, extra cōtrouersiam deponere habitum, & tonsuram, atque etiam omittere horas Canonicas, ob vitandum mortis periculum, secluso scandalo & contemptu Religionis,

vt re-

vt recte notauit Azor cit. lib. 8. cap. 27. q. 2. iuxta quartam & septimam assertionem.

Colligitur quarto, quid faciendum sit, si lata lege certus habitus, per se non superstitiosus, Christianis præcipiatur. Nam si lex non sit in viridi obseruantia, aut primario non sit instituta ad fidem profitendam, sed ob finem politicum, & subsit causa rationabilis omittendi habitus, aut licet præcipue sit instituta ad fidei professionem, sitque adeo in viridi obseruantia, adhuc tamen in casu necessitatis, si ab sit scandalum & contumelia fidei, poterit is habitus prætermitti, vt recte docent Bannes, Valentia, & Arragonius locis cit. Quicquid Caietanus cit. a. 2. ratus, legē talem eandem vim habere cum interrogatione Tyranni, vniuersim dicat, nullo casu licite posse omitti præscriptum habitum, si lex illa proprietatem latet ad profitendam fidem, & simul in viridi sit obseruantia. Atque idem seruata proportione pariter dicendum est, si qua lege Christianis aliquis habitus sit prohibitus, ex eorumdem sententia, exemplo S. Sebastiani, de quo supra assert. 5.

Colligitur quinto, non peccare contra fidei professionem, adeuntes hæreticorum tempora & conuentus, eorumque conciones audientes, ijs in locis, vbi passim Catholicorum hæreticis eas audire solent, non vt fidē hæreticā profiteantur, sed vel vt errores Prædicantium notent, vel alia ob causam, iuxta quartā & quintā assertionē. Secus est in alijs locis, vbi nulli adeunt, nisi ob fidē profitēdā: tunc enim saltem ratione scandali peccabūtur, accedendo, vt recte notarunt Gregorius de Valentia q. 3. pun. 2. & Azor cit. c. 27. q. 5. Qua ratione etiā speciatim in Anglia id illicitū esse, viri docti & pīj fenserunt, ipseq; etiā Pontifex Paulus V. declarauit: præsertim qātā Catholicorū, quā hæreticorū ijs locis communis sensus fuisse refertur, à fide saltē ex parte, & quoad externam apparentiā deficerē eos, qui vt editio Regis pareant, tempora hæreticorum adeunt. Neque tamen perse loquendo, vel ab his, vel ab illis excommunicatio legentiū libros hæreticorū, aut coīmunicantiū cum excoīmunicatis in crimen criminoso aut fauentium hæreticis incurri videtur: cū isti quidē nec libros hæreticos legant, nec hæreticis, vt sic, cooperēt, nec fauent, vt suppono: secus esset, si quis induceret verbi præconem aliquem ad hæretice concionandū.

Addit vero Azor loc. cit. posse illicitum nō esse conciones hæreticorum audire, ijs in locis, vbi id pro fidei falsa protestatione seu fauore non habetur, etiamsi Princeps hæreticus id mandarit, non ea quidem expressa intentione, vt fidei falsa professio fiat, sed vt illi vt cumque in re indifferenter obtemperetur: quod ex eo confirmari potest; quia alias saltem ob erroneam conscientiā peccarent Iudei, qui Romæ coguntur Catechismum seu doctrinam Christianam audire.

Quod si vero Princeps imperethoc obsequium præstandum in protestationem aut fauorem hæreticæ perfidiae, tunc sane quidem Catholicis non licebit obtemperare, iuxta lexam assertionem, & Corollarium secundum; nisi forte hac aperte protestatione præmissa, id officium se præstitutros

in obsequiū Principis, nō in erroris contestationem, vt notauit ibidem Azor; quandoquidem alias supponitur, rem esse perse licitam neque legibus Catholicæ Religioni aduersam.

Colligitur sexto, non esse intrinsece malum, hæreticorum nuptijs, baptismo, sepulturæ interesse; modo non detur causa, vt aliquid ab ijs impie & contra Ecclesiæ præcepta agatur. Quin ipso probabile mihi est, posse Catholicos ob piam utilitatem, aut publicam tranquillitatem, etiam filios eorum, quāmis ab hæretico Ministro baptizandos, è baptismo suscipere, saltem accedente hac protestatione, seu significacione, se filios iuxta veram Christianam fidem, non hæreticam perfidiam instituendos suscipere; quod ipsum tamen satis per se ex conditione ipsius personæ suscipientis colligitur: sicut etiam nullum est peccatum, in necessitate baptismum ab hæretico, si nullus Minister alius adsit, accipere, aut procurare, vt superius dictum.

Vt autem hæreticus in patrinum à Catholicis adsciscatur, nunquam videtur esse licitum. Cum enim hoc sit intrinsecum patrii officium, baptizatum in fidei doctrina instituendum curare, neque præsumi possit, hæreticum aliam fidei institutionem procuraturum, quam perfidia sua consonam, idcirco ea patrini hæretici aduocatio aperta esset falsa religionis protestatio. Potius igitur, si Catholicus desit, omnino prætermittendus est patrinus, vt suo loco de Baptismo pluribus dicetur. Plura huius generis occurunt in materia de baptismo, & partim etiam quæst. sequente, vbi de infidelitate agetur.

D V B I V M VI.

*Qua ratione gratia gratis data
se habeant ad fidem; quot item
& quenam sint, & quæ singu-
larum sit ratio; an etiam sint
habitus.*

S. Thomas 1. 2. q. 111. a. 1. 4. s. & 2. 2. q. 171.
172. 173. 174. 175. 176. 177. & 178.

Non agit quidem S. Thomas de hoc argu-
mento in tractatione de fide; quia tamen
id maximam cum fide affinitatem habet; partim
quia omnes eiusmodi gratia gratis datae potissimum
referuntur ad plantandam, nutriendam, &
tuendam fidem, vt inferius patebit, & docet S.
Thomas 1. 2. q. 114. a. 4. & 3. p. q. 7. a. 7. par-
tim etiā quia nonnullæ ex ijs sua natura non par-
uum similitudinem, quin & commune nomen-
cum fide habent; & vero simili etiam inter actus
potius, quam habitus numerantur, idcirco con-
sultum vīsum est, ne de ijs nihil penitus agatur,
qua quidem aliquin à schola Doctoribus ferè
prætermitti solent, breuiter de illis hoc loco
agere.

Primo igitur queritur, quid sint gratia gratis
datae, & quomodo vniuersim à gratia gratum fa-